



A lokisetse Morena Sechaba se phethehileng (Luka 1,17)

Tel: 28 350 466/ 62600983 (WhatsApp)

MOELETSI OA BASOTHO

PARARE DOMINO PLEBEM PERFECTAM



**T. Connet-Ls e
theha mesebetsi**

3

**Tlhokahalo ea
litima-mollo**

5



MAJORO O ITELA HO 'MUSO



Access Our Books on Akello Library!

Explore a wide range of our books anytime, anywhere.
Visit Akello Library today and start reading!

#ReadAnywhere #AkelloLibrary #ExploreMore



<https://library.akello.co/downloads>

Follow the link

bookcentre@mazenodprinting.co.ls

Need guidance? Call/ / WhatsApp: 27 350562 / +266 57396597

MOELETSI

E tsoe ka metso

Sebabatso le CAFI li khantšetsa bacha

Nthabeleng Seitlheko

E le ho matlafatsa boikemelo ba bacha khoepong sebakeng sa boipheliso, Lekala la Tekano, Bacha le Ntšetsopele ea Sechaba le ntse le haola le litereke ho hlahella bacha le ho ba ruta ka sethala sa Sebatatso. Litaba tsena, li boletsoe ke Letona lekaleng lena, Mohlomphehi Pitso Lesaona ka la 21 Phupjane monongoaha.

O hlalositse hore morero oa Sebatatso ke sethala sa bacha se tlišang morero oa boqapi, likhoebo haufi le batseteli le ho ba khahlametsa ka lisebelisoa tse ba thusang ho matlafatsa likhoebo tsa bona. A re lekala le qhololitse bacha ho ba karolo ea morero ona le ho hlola liqholotso tse ba tjametseng tsa tlhokahalo ea mesebetsi le bofuma.

O itse bacha ba lokela ho tseba hore morero o re-retsoe ho ba ntlafatsa ka ho ba kholla bofumeng, 'me esale 'muso o teng o lula li tulong ba eme ka matla ho ntlafatsa bacha, le ho bona hore bacha ba iqalla mesebetsi le ho matlafatsoa holima seo ba nang le sona.

Re lokela ho hlaola bobolu-Majara

Nthabeleng Seitlheko

M otlatsi oa Tona-Kholo Justice Nthomeng Majara o re 'Musu oa Lesotho o se o hatepe pele ho fumana batseteli molemong oa ho fehla motlakase ka tšebeliso ea matla a hloekileng a letsatsi le moea. Sena o se boletse 'mokeng khoebo le khoebisano Afrika Luanda Angola, ka la 24 Phupjane monongoaha.

O re leha ho le joalo ho na le mathata a nako e fetileng a ntseng a etsa hore tšebetso e sisinthe 'me 'muso o ntse o lokisa maemo a joalo hore batseteli ba potlakise tšebetso. A re Motlotlehi o ntse a potoloha le linaha ho batlela naha ea habo batseteli litabeng tsa matla, le bona e le 'muso ba tsoile letšolo ho mo tlatsetsa.

A bontša ha ba batla batseteli ba ka tsetelang phehlong ea motlakase le

Letona la Khoeb o Mesebetsi e Mehlo, Mohlomphehi Mokhethi Shelile o hlalositse hore ba ikemiselitse ka matla ho arabela liqholotso tsa tlhokahalo ea mesebetsi, ho bona hore likhoebo tsa bacha li'a ananeloa le ho abeloa mesebetsi. A re ha bacha ba e-na le mesebetsi ho phahama ha moruo ke ntho e fokolang. O re bohle ba lokela ho phamolela liqeto tsa 'muso holimo 'me ba etse seo ba lokelang ho se etsa hobane 'muso o ikemiselitse ho ba matlafatsa.

A re lekaleng la habo ba na le morero o moholo oa CAFI o reretsoeng ho ntlafatsa bacha le basali ba khoepong, ho matlafatsa sena ke bonyane basali le

bacha ba 50 ba tla koetlisoa nakong ea likhoeli tse tšeletseng, kamor'a moo ba tla fuoa chelete eo ba sa tli'o e lefa ho matlafatsa likhoebo tsa bona, e le hore bonyane selemong sa 2027 ba be ba fihletse ntlafalo ea likhoebo tse 500.

Mpho Setala ho hlaha Qacha's Nek, o itse ba tobane le phepetso e kholo ea tlhokahalo ea lisebelisoa e leng se nonyetsang tlhahiso, empa ba lumela hore Sebatatso se tli'o ba thusa ho phahama khoepong tsa bona. A re bacha ba tla tseba ho ba le bonngoe le ts'epo ea hore ba tla fenyha bofuma le litlole tsa molao ha ba ka aheloa holo.

A re ba khothaletsa bacha bohle ho nka monyetla ka litaba tse ba amang e le hore ba se sale morao, hobane seo se tla ba thusa ho ntlafala le ho ipapisa le liphetoho tse teng bophehlong ba bona.



Kampani ea Marang-rang ea Starlink e ile ea fihla ka setso kotsane se ileng sa foka habohloko maikutlong a Basotho, kaha e ne e hlaha eka ngoliso ea eona ha e na ponalletso. Ho feta moo kaha ha e sebelise thepa e tšoanang le ea tse ling, e shebahala e sa hloke ho hira batho hakaalo hore e sebetse. Sena se ile sa tliša maikutlo a hore ha e tli' thusa naha hakaalo hobane ha ho Basotho ba tla fumana mesebetsi ho eona. Litaba tsena ho shebahala e ne e le maikutlo feela a ka hlalisoang ke mang kapa mang haholo hobane phetoho ha e fihla bathong ba e amohela ka mekhoha e fapakaneng. Kampani ea T-Connect-Ls e sebet-sang le ea Starlink e sa tsoa thakholoa bekeng eona ena, e tšepisitse ho tla fa sechaba sena sa Lepoqo mesebetsi e 60,000. Ho ea ka mookameli oa T-Connect Ls mesebetsi e 10, 000 eona e tla ba ea linako tsohle, ebe e setseng e 50, 000 e tla arolelanoa. Kampani ena mesebetsi oa eona ke ho fana ka marang-rang, e se ho rekisa mehala ea thekeng kapa likarete tsa eona. Ka lebaka la ho sebelisa marang-rang a sejoale-joale a boemo bo phahameng, ho tli'o ba bobebe haholo hore Basotho ba lulang ka Loting ba fumane marang-rang ntle ho tšitiso kaha e sebelisa thepa e sepaka-pakeng (satellite). Litaba tsena li monate joaloka linotši ho Basotho, haholo bacha hobane ba lutse ka mangolo a bona a thuto a amanang le tsona litaba tsena. Hape phepetso eane ea tlhokahalo ea mesebetsi e boetse e ntse e fokotseha hanyane ka hanyane.

Lekala la Tekano, Bacha le Ntšetsopele ea Sechaba le ntse le potoloha litereke tsa naha ho ruta bacha ka morero oa Sebatatso, eleng o ba thusang lintlheng tse latelang, ho ithehela mesebetsi hore ba tsebe ho iphelisa, ho iketsetsa kapa ho itšoarela ka matsoho mohlomong le boikopanyo metseng le metsaneng ea habo bona. Sebatatso sena se tšehetsa boqapi 'moho le likhoebo ebe se atametsa batseteli, se boele se khahlametse bacha ka lisebelisoa tsa khoebo. Lekala la Khoeb o Mesebetsi e Mehlo le lona ha se mokhelo litabeng tsena kaha le na le morero o moholo oa CAFI. Sepheo sa morero ona ke ho matlafatsa le ho ntlafatsa basali le bacha khoepong. Hofihlela ha joale ke bonyane basali le bacha ba 50 ba tla fuoa koetliso ea likhoeli tse tšeletseng, kamor'a moo ba fuoe chelete e tla matlafatsa likhoebo tsa bona eo ba sa tli'o e lefa.

Ho na le ketsahalo e nyarosang ea kotsi ea koloi e ileng ea etsahala Kolonyama, Seterekeng sa Leribe moo likoloi tse peli li ileng tsa thulana sa lipheleu. Likoloi ka bobeli li ile tsa cha lore! Ka lebaka lena ho ile ha hloka batho ha bang ba le maemong a hloabaetseng litsing tsa Bophelo tsa Motebang, Leribe le sa Sehopotso sa Mofumahali 'Mamohato, Maseru. Batho ba bangata ba ile ba fana ka matšelisano ho bohle ba amehileng 'me bona ba kenyet-sa bahoebi ba likoloi tsa baeti, rakhoebo oa koloi e amehileng, baetapele ba mekha le makhotla a lipolotiki 'moho le Tona-Kholo Sam Matekane ka sebele. Bahoebi ba likoloi tsa baeti ba ipilelitse ho 'muso ho akofisa litšebeliso tsa litima-mollo kaha tlhokahalo ea tsona e tliša litlamorao tse bosula.

Bahiri ba khothallaetsoa ho loantša tšekefetso ka mekhoha eohle ea eona mesebetsing, ka ho latela methati e nepahetseng e tla sireletsa mahlatsipa. Mokhoa oa ho tlaleha ebe o tla fana ka lekunutu hobane motho ea hlekefelitsoeng haeba a sa tlalehe, o tla ba le matšoa a kang khatello ea maikutlo kapa ho se tle mesebetsing. Sena se tla ama tšebetso ea hae ebe mohiri o'a lahlehela, ka lebaka lena hona ke molemong oa mesebetsi le mohiri ho ema khahlanong le tšekefetso.

MOLIMO A BOLOKE LESOTHO LE BASOTHO

Contacts: +266 28350 466

62600983 WhatsApp

Email: newsroom@moeletsiobasotho.co.ls

Sales and Marketing: (+266) 28 350 466/ 57396597 (WhatsApp)

MOELETSI oa BASOTHO
A LOKISETSE MORENA SECHABA SE PHETHEHLENG (LUKE 1:17)

Editorial

Lesetsa Rakubutu

(+266) 6203 1949 / 58490670

EMAIL: editor@moeletsiobasotho.co.ls

Mohale Lehlohonolo (Sub-editor)

(+266) 58 771 507 / 62 771 507

Journalists

Nthabeleng Seitlheko

57 665 038/ 68 216 271

Tšelisano Thakholi

58 540 853/ 63 480 404

Production Desk: 'Mateele Liqa

T.Connect-Ls e theha mesebetsi

Nthabeleng Seithleko

Basotho ba 60,000 ba tla una molemo oa mosebetsi, Kampaning ea Marang-rang a sepakapaka, T.Connect e thehiloeng tlasa sekhele sa Starlink Le-

10,000 ke ea Basotho ba ka linako tsohle, ha e 50,000 e tla arolelanoa le Basotho ka bo-mong le likhoebo tse fapakaneng, ho ea ka tumellano eo ba tla ba le eona, ho ipapisitsoe le tlhoko e teng, har'a baji ba lits'ebetso tsa bona.

A re katoloso ea ma-

ka letsatsi bakeng sa marang-rang a sa lekanyetsoang. Lesotho le tla ba lehae la setsi se seholo ka ho fetisisa sa lipalo-palo sa AI (Artificial Intelligence) lefatšeng, se tla ahoa libakeng tsa lithaba, sena se tla fetola naha hore e be setsi sa boqapi ba mahlale.

empa e tla rekisa phihlelo ea marang-rang ho ipapisitse le nako. T.Connect e tla qala Leselinyana la Naha la Liphetofo khoeli le khoeli, ho bontša tsoelopele ea nts'etsopeloe ea naha ka lipale tse khothatsang.

Ho bonts'a molemo oa morero likolong tse libakeng tse hole, libeke tse peli tse fetileng ba etetse Sekolo se Phahameng sa Marakabei, se hlokanang marang-rang empa se ile sa fua likomporo tse sa kang tsa sebelisoa ho tloha ka selemo sa 2017. Sekolo seo se fumane khokelo ea likhoeli tse 12 tsa marang-rang a mahala ka Starlink, e le bopaki ba kamoo morero ona o ka fetolang bophelo ka teng.

Ho ea ka lipalo-palo 60% ea Ma-afrika e hlaloso e hloka marang-rang, 80% ea sechaba se phelang ka lithabeng e sa fumane marang-rang, 86% e sokola litabeng tsa thuto le menyela.

Nolo Letele Mookame-li oa Boto ea T.Connect, o hlalositse hore khoebo ena ke ea Basotho, ha e tl'o senya mesebetsi e teng empa e tl'o e boloka le ho e eketsa.

si ba sireletsoe khahlanong le tthekefetso 'me ba rutoe ka mekhoebo ea ho e tlaheha mesebetsing, e se feela hore ho lateloe molao empa ho ahoe sechaba se nang le bokamoso bo chabileng. A re mahlatsipa a tthekefetso a sitoa ho ba le tlhahiso e ntle mosebetsing 'me seo se ama khole ea likhoebo. Mats'oao ao bonahalang ka ona ke a ho ba le khatello ea maikutlo le ho se be mesebetsing khafetsa.

A re mohiri ea nang le toro ka khole ea khoebo o lokela ho koetlisa basebetsi bohle ka litaba tsa tthekefetso, ba e utloisise le hore e tlaheha joang mosebetsing ho ntse ho sireletsoe mosebetsi ea joalo. A khothaletsa hore ho be komiti e sebetsanang le litaba tsena mosebetsing esitana le mekhoebo e bolokehileng ea ho tlaheha, hape ho ts'ehetsoe mahlatsipa ka ho a fetisetsoa libakeng tsa tlhabollo molemong oa polokeho le seriti sa basebetsi bohle.



A re ba rata hore khokelo ea marang-rang e be pale ea maobane likolong naha ka bophara hore bana bohle ba fumane menyela ea bophelo.

Lebitsong la Letona la Likhokahanyo, Mahlale le Tšebeliso ea ona, Mohlomphehi Neo Matjato Moteane o bontšitse hore khokelo ena ke ponts'o ea ntlafalo ea moruo kaha ba buletse likhoebo tsohle ho tsetela kahar'a naha. A re kaha mosebetsi oa bona e le ho bona hore sechaba sohle se fumane khokelo ea marang-rang ba bona Starlink e tla ka monyetla o moholo oa marang-rang a pharalatseng a tla anela bohle. A re khoebo ena e ikemiselitse ho fana ka marang-rang a anelang batho bohle,'me



ba ikemiselitse ho fana ka ts'ehetso moo bao ba tla e hloka.

Lebitsong la Tona-Khole, Prof. Ntoi Rapapa o supile hore khokelo e potlakileng ea marang-rang e tl'o arabela liqholotso tse ngata joaloka tsa thuto, bophelo le khoebo. A re hore naha e hole moruong e lokela ho bulela batseteli mamati molemong oa bophelo bo bottle ba sechaba le khole ea sona. Ka hona a re ba motlotlo hore khoebo ena e etelletsoe pele ke ngoan'a Mosotho 'me ho'a tsebahlala hore lefats'eng Lesotho le boemong ba bone ka litaba tsa boqapi.



sotho, e khakotsoeng ka la 23 Phupjane monongoaha. Mookame-li oa Kamphani ena, Adv. Phomane Phelane o re mesebetsi e

rang-rang e tla ba hohle e kenyeletsa libaka tse tloko tsa Lesotho moo batho ba tla hokeloa marang-rang ba lefa M10 feela

Mokhoa o ikhethang ka khoebo ena, ho fapakana le e meng ke hore ha ba na ho rekisa mehala ea thekeng, likarete kapa 'megabytes,'

Bahiri ba loantše tthekefetso

Nthabeleng Seithleko

Mekhatlo ea Basebetsi e ikemetseng le Bahoebi, ka ts'ebeliso 'moho le Lekala la Tekano, Bacha le Nts'etsopeloe ea Sechaba le GIZ, li bile ntsoe leng hore bahiri ba lokela ho sireletsa basebetsi le ho thibela tthekefetso mesebetsing ka mekhoebo eohle e bolokehileng e nang le seriti. Litaba tsena, li tiisitsoe ke Motebang Leb-oela, Mongoli-Kakaretso oa Mokhatlo oa Bahlanka ba Sechaba, puisanong le Koranta ka la 24 Phupjane monongoaha.

O re litaba tsa tthekefetso ha li sa ts'oaroe hantle kahar'a basebetsi le makala ka ho fapakana haholo ho li tlaheha hobane ho se katamelo e thusang hore li tlaheha joang, hape ke litaba tse amang baji ba lits'ebetso. A re ba rata ho bona lekala le leng le leng le na le katamelo e hlakileng ea hore na litaba tsena li sebetsoa joang ho qoba ho hlekefetsana ha basebetsi, sechaba le baokameli mesebetsing. O re seo se tla thusa ho bolokela 'muso lichelete tse senyehang nakong eo ho sebetsanoang le litaba tsena.

A re ho'a tsebahlala hore basebetsi bang ba fumana

tthekefetso tsa 'meleng le moo motho a tlang a hlekefetse hile lapeng o sitoa ho etsa mosebetsi ho latela tsela eo a lebeletsoeng ho sebetsa ka eona. A re ba batla ho kenya letsoho ho ts'oarisana ka matsoho le bahoebi ba ikemetseng ho bona hore litaba tsena ka selemo sa 2030 tsa be li felile, sena ba tla se etsa ka ho etela likhoebo tse fapakaneng le ho fana ka thuto sechabeng.

Molula-Setulo oa Balula-Setulo ba Likomiti tsa Paramente, Mokhothu



Makhalanyane o hlalositse hore litaba tsa tthekefetso li builoe nako e telele, empa li bonahala li tsoile taolong haholo linaheng tsa Afrika ka lebaka leo li hloka ho kopaneloa joaloka toants'o ea lefu la HIV/AIDS.

O re karolo ea bona e le paramente ke ho susumetsoa hore ho be le melao e tla sebelisoa ho sebetsana le litaba tsena, kaha molao oa motheo oa 20 o fana ka monyetla ho sechaba ho

kenya letsoho litabeng tsa ketsa-molao. A re taba ena e tla thusa hore bohle ba be le lentsoe litabeng tse ba amang.

Letona la Tekano, Bacha le Nts'etsopeloe ea Sechaba, Mohlomphehi Pitso Lesaoana o itse ho loants'a tthekefetso mesebetsing ke ho matlafatsa moruo, boiketlo ba sechaba le khotso 'me ha likhoebo tse ikemetseng li ka atamela taba ena hantle, ho tla thusa kholong ea khoebo. A re Lesotho le lokela ho hlaha ka tharollo litabeng tsena kahar'a

metse, kaha ho ama batho bohle 'me hona ke ponts'o ea hore Lesotho le ikemiselitse ho tliša phetoho.

"Bohle ba lokela ho kenyeletsoa libakeng tsa ts'ebetso, ebe libaka tse bolokehileng le hore bohle ba se salle morao kholong ea Naha ea Lesotho." Ke Lesaoana eo.

'Maletsie Letsie Lebina, ho hlaha Lekaleng la Khirile Bosebetsi o bonts'itse bohlokoa ba hore basebet-

MOELETSI O TŠEHETSA BACHA



Tšeliso Thakholi

Mothehi e bile e le mong'a khoebo ea likoloi tse hirisoang e bitsoang Oasis Service Taxi and Tours LS, Tokelo Litaba ke e mong oa bacha ba fokolang haholo ka palo nakong ena e boima eo bacha ba tobaneng le eona ea tlhokahalo e phahameng haholo ea mesebetsi, ba ntse ba tsoelapele pele ho etsa nalane Seterekeng sa Maseru ka ho ba mocha oa bobeli ea ipabotseng haholo litabeng tsa khoebo ena kahare le kantle ho Naha ea Lesotho.

Ha mocha oa pele eo le eena a ntseng a ipabola khoepong ea mofuta ona ke Kopano Sekhoari oa mane Pitseng Seterekeng sa Leribe ea nang le khoebo e bitsoang Urban Taxi & Tours. Litaba o re manolלה tsa nalane ea bophelo, tšebetso le boiphihlelo boo a bo fihletseng mosebetsing ea hae hammoho le hore na e le mocha o atleha ho qoba liqholotso tse atisang ho toba khoebo ea hae joang.

BOPHELO BA HAE

Lapeng heso re bana ba bane e leng likhaitsetsi tsa ka tse peli le moholoane oa ka. 'Na ke khorula 'me ke holisitsoe ke batsoali ba ka, bao ka mohau oa Morena Molimo ba ntseng ba phela ka bobeli ba bona. Ka kena Sekolo sa Mathomo ho fihlela ke etsa Foro-

mo Bohlano Sekolong se Phahameng sa 'Matikoe. Ho tloha bonyenyane ba ka haesale ke le motho ea ratang khoebo ka pelo eohle ea ka empa haholo-holo ea likoloi.

QALEHO EA TŠEBETSO

Ha ke qeta ho phethela lithuto tsa ka 'Matikoe, e bile ke sebelitse hantle hoo ke neng ke lokela ho ea likolong tse kholo, tlhase ea lerato la khoebo ea likoloi ea tuka haholo ka pelong ea ka. Le ha ke ne ke se na letho ka nako eo ka utloa ke e-ba le morero oa hore nke ke qale ho sebetso pele e le hore ke tle ke bone hore na nka se atlehe ho qala morero oa ka oa ho ba le khoebo ea likoloi.

QHOLOTSO EA HO QALA KHOEBO

Ke ne ke ile ka qholotsoa

haholo ke ho hlokomela hore bacha ba bangata ba ea likolong ha ba qeta ho fumana mangolo ba sitoa ho iqalla likhoebo tseo ba li batlang ka lebaka la bohloki. Ka bona ho le bohlokoa hore ke qale pele ka ho theha khoebo, e re ha ke bone hore e se e holile e be e le hona nka ntšetsang lithuto tsa ka pele. Ho feta mona morero o mong oa ka oa ho theha khoebo ke ho tla thusa bacha ba bang ba hlokanang mesebetsi feela ba e-na le litsebo tse fapakaneng, tseo ba ka tsebang ho holisa le ho atlehisa khoebo ea rona.

TŠEBETSO EA HAE

Ke ile ka ba le lehlohono la ho sebetso mofuteng o ntšoanang oa khoebo ena ea ka, kampaning e bitsoang Thaka-ha-li-Fele Cabs, e leng hona moo ke ileng ka anya litsebo tse

ngata haholo tsa ho tsamaisa khoebo ea mofuta ona. Ke ba leboha haholo hobane ba ile ba mpha letsoho kahare nakong ea tšebetso ea ka. Ke sebelitse le bona nako ea likhoeli tse hlano feela ea ba ke se ke tlil'o iqalla khoebo.

QALEHO EA KHOEBO

Ke qalile khoebo ena ea ka ka la 30 Tlhakubele ngoahola ke e-na le koloi e le 'ngoe eo ke ileng ka e reke-loa ke batsoali ba ka. Empa ha joale ke na le baqhobi ba bararo ke 'na oa bone le motho a le mong ea sebet-sang ofising, 'me re amohela baji ba litšebeletso tsa rona ka liatla tse mofuthu. Lepetjo la rona ke hore "moreki ke morena e bile kamehla h'a fose." Re thusa baeti ho ba isa maetong a bona a fapakaneng, a kang a ho ba lata le ho ba isa Boema-Fofane ba Machaba ba Moshoeshoe I le libakeng tsohle kahare le kantle ho naha. Re thusa le bahahlauli ba tsoang linaheng tse ling, ba batlang ho tla tseba ka Naha ea Lesotho. Re ba thusa ka litefiso tse tlase haholo kaha re hlokometse hore maemo a moruo kahare ho Naha le lefatše ka kakaretso a thefulehile haholo.

Ke ikutloa ke rata ho leboha ka tsela e khethehileng batsoali ba ka bao Morena Molimo a sa ntseng a ba alimile bophelo ka lerato le tšebetso eo ba ileng ba mpha eona, e le hore le 'na ke tle ke tsebe ho tla thusa bana ba Basotho ba bangata ha khoebo e ntse e hola. Ke seo ke leng sona

kajeno ka lebaka la bona kea ba leboha. Haesale ba ntšehelitse ke re le ho fihlela hajoale ba ntse ba nthusa ho ntataisa mona le mane hore ke 'ne ke tsoelepele ho atleha.

LIQHOLOTSO

Kannete ho fihlela hajoale ha re na liqholotso e tse ngata, e ka mpa ea e-ba feela bothata ba koloi empa e loka kamor'a matsatsi a mabeli e be e le tšebetsong. Lebaka ke hobane ke na le baqhobi ba nang le lerato la tšebetso le ho e utloisisa haholo. Ba tseba ho e boulela le ho baballa baeti ba rona haholo. Moo e bang bothata bo teng ke phakisa ke lula fatše le bona re fihlela tharollo ka lipuisano tsa khotso.

SEBAKA SA KHOEBO

Khoebo ena ea ka e fumaneha khubung ea Motse-Moholo Maseru motseng oa Sea-point, 'me ke kopa sechaba se re tšehe-tse ka hohle-hohle kaha litšebeletso tsa rona ke tse tsoileng matsoho. Linomoro tsa rona tsa ofisi ke: 5914 2830 tse nang le WhatsApp, ha tse letsetsoang feela li se na WhatsApp e le 6354 8132. Re boetse re na le le-qephe la Facebook moo ba ka re fumanang teng.

KELETSO HO BACHA

Bacha ikopanyeng le se ke la tšaba ho iqalla likhoebo, 'me ha le se le qalile e bang le mamello le tle le tsebe ho atleha. Ratang le ho hlomp-ha batsoali ba lona le tle le tsebe ho atleha bophelong ba lona. Bacha emang ka maoto le itšoarele ka matsoho.



Boikopanyo ke tharallo-Matsie



Tseliso Thakholi

Mokhethoa oa Lebatooa la Taung, 'Matisetso Matsie o ipilelitse ho bacha ho ikopanya ka litsebo tseo ba nang le tsona e le ho loantša boemo bo hloabaetsang ba tlhokahalo ea mesebetsi kahare ho naha. O entse boipiletso bona 'mokeng oa letsatsi oa lipuisano tsa bacha moo ba neng ba kopane 'moho ho buisana ka mekhoea ea ho iqalla likhoebo le ho hlahleloa ka malebela ke bahoebi ba seng ba ntse ba e-na le likhoebo tse kholo. Lipuisano tsena li bile Ha Zwakala, Mohale's Hoek ka la 22 Phupjane 2025.

A re kahare ho lebatooa la Taung ho na le lihloiloeng tse ngata tse ka hohelang bohahlauli, tseo bacha ha ba ikopantse ka litsebo tseo ba nang le tsona, ba ka tsebang ho iphelisa ka tsona le ho nyolla moruo oa naha. A re o tlii'o sebetsa 'moho le bacha ho theha mekhatlo ea boikopanyo le ho ba ruta mekhoea ea tšebetso moo ba ka tsebang ho lema masimo bakeng sa tlhahiso ea temo le ho rua likolobe.

A re ho bohlokoa haholo ho iketsetsa mesebetsi empa le teng ba lokela ho ba le lerato la eona le ho sebetsa ka thata hore e atlehe, ba se ke ba sheba feela ho ea sebetsa liofising kaha menyetla e joalo e se e fokola haholo. A qetella ka ho thoholetsa lipuisano tsa mofuta ona kaha li ka qetella li thusitse bacha ho tsoa bofumeng ka ho arabela tlhokahalo eo ba tobaneng le eona ea bosieo ba mesebetsi.

E mong oa baeti ba bohlokoa e bile e le rakhoebo, Monghali Tebello Tjapela o itse ho matlafala ha bophelo ba batho ho tli-

ka tseba ho ithusa ra ba ba thusa le bacha ba bang." Ke Tjapela eo.

Mohlophisi oa 'moka ona, Monghali Kananelo Boletse o tobokelitse bohlokoa ba boikopanyo ba bacha e le hore ba tsebe ho arolelana litsebo tseo ba nang le tsona. A re ka boikopanyo ba ka boetse ba itlhamisetsa le ho iqalla likhoebo molemong oa ho hlola liqholotso tseo ba kopanang le tsona. A re ha ba ikopantse ka litalenta le litsebo tseo ba nang le tsona, sena se ka thusa ho fokotsa botloko tsebe le litlo-tsa molao tsena tse bonahalang li ntse li phahama letsatsi ka leng. A eletsa bacha ho sebelisa litalenta tsa bona ho itlhamisetsa mesebetsi e fapakaneng.

Lebitsong la bacha Reamohetsoe 'Musetsi o thoholelitse le ho leboha bahoebi ba bileng teng le



bohlophisi ba 'moka ona kaha a itse o bile bohlokoa haholo ho bona. A re tsohle tse tšohlueoeng li ba butse mahlo kaha ba tlii'o qala ho ikopanya e le bacha ba Taung, ho bona hore na ba iqalla likhoebo tsa mo-

futa ofe. A leboha bohle ka tlhahiso-leseling eo ba e fumaneng, 'me a re e se e ka lipuisano tsa mofuta ona li ka tsoaroa khafetsa kaha li le bohlokoa ka ho tliša liphetho tse kholo bophelong ba bacha.



Litima-mollo li ka thusa ho boloka bophelo

Tseliso Thakholi

Bo-rakhoebo le beng ba likoloi tsa baeti ba re tlhokahalo ea litima-mollo le maemo a mabe a litsela ke sona sesosa se sehlo sa likotsi tse mpe tsa mebileng. Ba buile sena kamor'a kotsi e nyarosang e etsahetseng tikolohong ea Kolonyama, Seterekeng sa Leribe mafelong a beke a tsoa feta, moo likoloi tse mararo li ileng tsa thulana sa lipheleu ha ba ha qhoma mollo, 'me ha timela batho ba 11 ha ba robeli ba ntse ba le maemong a mabe lipetlele tsa Berea le Queen 'Mamohato.

Ketsahalong ena eo likoloi tse peli li ile tsa e-cha lore! Ba re kaha ba atisa ho fihla pele likotsing tsa mebileng lisebelisoa tse kang tsa litima-mollo li'a hloka haholo bakeng sa ho thusa ho pholosa bophelo ba sechaba. Ba ipiletsa ho 'muso ho akofisa

tšebetso ea tokiso ea litse-la e le ho fokotsa likotsi tsa mofuta ona. Ba qetella ka ho ipiletsa ho baqhoebi ho ba hlokolosi ka linako tsohle.

Ho sa le joalo Tona-Kholo Samuel Matekane o bile a hloela mahlatsipa a kotsi ena lipetlele ho ba tlatsa ka tšepo le ho ba lakaletsa pholo ea ka pele. O boetse a isa matšelisano a tsoang botebong ba pelo ho ba malapa ohle a amehileng kotsing ena e nyarosang maikutlo naha ka kakaretso. A re ba tlii'o sebetsa ka thata ho ba le thepa e sebetsang likotsing e ahang litima-mollo le tse ling. A qetella ka ho leboha sepolesa le lingaka tse ntseng li tšoare ka thata ho thusetsa koluoeng ena.

Ho feta mona, Lesotho Economic Freedom Fighters(LEFF) le eona e boetse ea ntša polelo mabapi le koluo ena ea Kolonyama moo e ipilelitseng ho 'Muso oa Lesotho ho potlakisa ntlafatso ea litsela tsa naha e le ho fokotsa likotsi tse kang tsena, ho thusa ka hohle ho

ba ntseng ba hlaphoheloa lipetlele haholo-holo ka 'ICU' le ho etsa lipatlisiso tse tebileng ka sesosa sa koluo ena le ho fana ka tlaleho, esitana le ho nka likhato tse hlokaahalang.

"Ke nako ea hore 'muso o nke bohato bo matla ho sireletsa bophelo ba sechaba sa Basotho ka linako tsohle. 'Muso o lokela ho nka bohato ho atolosa litse-la kahare ho naha, sepolesa

se laolang sephethephethe se be teng ka bongata litsele tsa naha bosiu le motšoare. "Ba rialo ba bile ba phethela ka hore ba ke ke ba thola le ho shebella ha bophelo ba Basotho bo ntse bo behoa tloko tsoing ka lebaka la boitšoarano bo bobele tseleng kapa ho fokola ha litsela. Ba re ke nako ea hore puso e nke bohato ho sireletsa bophelo ba bohle ka linako tsohle.



Ba tšoara thipa ka bohalleng

Nthabeleng Seitlheko

Bana ba bangata ba iphumana e le mahlatsipa a bokhachane lilemong tse tlaase, ka lebaka la bofuma, tlala le tlhobolo tse aparetseng malapa a habo bona, ha ba bang e le batsoali ba holisa bana b'abo bona batsoali ba hlokahetse, ba bang batsoali ba phela naheng ea boahelani. Litaba tsena li boletsoe ke Mookameli oa Basebeletsi ba tsa Bophelo Metseng, St. Martin's, Mokhotlong 'Manaha Mokhonoane, puisanong le Koranta ka la 24 Phupjane monongoaha

O re kaha a sebetse metseng e haufi le khaho ea letamo la polihali, bana ba banana ba bonahala ba le tlokotsing ea ho nonosoa lichelete ke bo-ntate ka lebaka la bohloki, ebe ba qetella ba le 'meleng e mong a qetelle a sa tsebe ntat'a ngoana. O re leha ho le joalo ba tsoare ka matla ho phephethela boemo bona ka ho fana ka thuto metseng le likolong hore bana ba itlhokomele.

A bontša ha lipitsong tsa sechaba ba khalemella bo-ntate ho kena likamanong tsa lerato le bana hobane ke tlolo ea molao, ebile ho se ho e-na le bo-ntate ba 'maloa ba ileng ba nkeloa likhato tsa molao khahlanong le ketsahalo tsena.

Mokhonoane o re bo-ntate ha ba rate lipitso ba hloka mamello, hobane marena h'a na kutloisiso e lekaneng ka litaba tsena le bohlokolosi ba tsona e be sechaba se itsamaela pitso e-s'o qhalane. O re selemong sena papisong le tse ling lipalo tsa bakhachane li theohile, 'me ba motlotlo hobane hoo ke kholo kahar'a sechaba le ntlafalo. O re bo-ntate ba lokela ho sireletsa bana e seng ho robala le bona, ba bone hore ba phetse hantle ka thoko ho tlheketso le ho bona hore lithoko tsa bana li'a arabeleha nako le nako

'Musi oa Setereke sa Mokhotlong Kepa Keqe, o hlalositse hore o tšoenyehile ke boemo ba bophelo ba sechaba sa habo, haholo bana ba bonahalang ba ima lilemong tse tlaase. O re taba ena e ama bokamoso ba bana le bana ba holang ba aparetsoe ke bofuma hobane ba fetohile batsoali lilemong tse tlaase. O re pelaelo ea hae ke hore bohloki le bana ba ikholisang malapeng a mang ke bona bo susumetsang bana ho kena



thobalanong le batho ba baholo ka khopolo ea hore ba tla ba hlokomela.

O re le ha ho le joalo ba tsoere ka matla ho bona hore Litsi tsa Bophelo li tsoara lipitso metseng ho hlokomelisa bo-ntate ka litlamorao tsa liketso tsena. A re mapolesa le mekhatlo e fapakaneng ea sechaba e tsoarela sechaba lipitso e le ho anetsa thuto kahar'a sona.

O tsoetsepele hore ba kene mosebetsing o matla oa ho bona hore ba sireletsa bophelo ba ngoana e mong le e mong ka ho fana ka thuto le ho theha libaka tsa kopano tsa bacha moo ba thakelanang ka malebela a bophelo le a boipheliso. A re sena ba se etsa le hore bacha ba tsebe ho iketsetsa le ho baleha mahlatsipa a mafu kapa a ho ba le bana lilemong tse tlaase.

H'a phethela, o thoholelitse Morero oa Metsi a Lihla-

ba tsa Lesotho (LHDA) ka ho ba tšehetsa ka lithepa tse fanang ka thuto ka litaba tsa bophelo, ka le reng tseo li tl'o pholosa ba banagata ba neng ba haelloa ke tsebo le sechaba se tla tseba ho ithuta ka bo-sona. A re tebello ke hore ha khaho



ea Letamo la Polihali e fihla pheletsong sechaba sa habo, sa be se e-na le bokamoso bo chabileng.

Ka lehlakoreng le leng Mokhethoa oa Malingoaneng, Ramakalima Monethi o hlalositse hore lebatooa la habo le tobane

le phephetso ea bana ba imang ba le tlaase lilemong ka lebaka la khaho ea Letamo la Polihali kaha ho na le mekonteraka e mengata eo boholo e leng bo-ntate. O re ba tsoere ka matla ho bona hore ba hlola litaba tsena ka ho kopanya bacha hammo- ho ka lipapali, litholisano le ho ba etsetsa mesebetsi e ba phathahanyang.

O re selemong sena o fumane hore lipalo tsa bana bao e leng bakhachane li theohile empa o hloka li fele tuu! hore ebe sechaba sa habo se phetse hantle empa tlala, bofuma le tlhokahalo ea mesebetsi ke phephetso e kholo metseng, empa ha se hore batho ba ka senya bokamoso ba bona. A khothaletsa bacha ho sebetse ka matla ho matlafat- sa litalenta tsa bona hore ba se ke ba iphumana e le mahlatsipa a mafu a likobo, tsoaetso ea HIV/AIDS le ho senyeheloa ke bokamoso.

Why do we hurt ourselves so much?

I always ask myself a question of why we hurt ourselves so much, when we go through an unpleasant

situation we internalize the pain, make it appear as though pain is our destination. We want those whom



we believe are important to us to come through for us, to feel, share our pain and when they don't we get hurt. The pain we feel when they don't come through surpasses that of the actual situation. We are more broken by our expectations not being met than whatever painful situation we may have faced. Even when we talk about the whole thing we cry foul over so and so didn't come through for me when my chips were down, we feel like the actual pain is better compared to them not behaving the way we expected. This is the worst form of self-hate, making ourselves go through double dose of pain because we have invested so much in others than we do in ourselves. The minute we realise and acknowledge that our pain is ours to bear and learn from, as well as an opportunity to transform and grow we will never expect

people to feel it for us. We will begin to look at the pain from a different perspective and cherish it.

Teboho Matjeka
63574502/58911803

Tseba boemo

ba hau u

alafshoe



Lihoai li thoholetsa SADP2



Nthabeleng Seitlheko

Temo e tlokotsing ka lebaka la lehloa le khethehang ka nako eo le sa lebelloang ka eona, komello e nkang nako e telele 'moho le libaka tseo lijalo li chesoang ke lebata-ma la letsatsi. Litaba tsena, li boletsoe ke Mookameli oa Morero oa Ntšetsopele oa Lihoai tse ntseng li Thuthuha (SADP2) Mpaki Makara ka la 24 Phupjane monongoaha.

A re ka lebaka la boemo bona, ba bile le boithuto naha ka bophara hore na ba ka kenya leano la tšireletso ea temo tšebetsong joang hore lihoai li lule li tseba hore li sireletsehile nakong ea likoluoa le ea ho senyeheloa ka lebaka la boemo ba phetoho ea leholimo. A re ba ile ba fumana hore lihoai tse ngata li thabetse taba ena, kaha li le seboko ka hore leha li leka ho itlathisetsa li'a senyeheloa ka lebaka la tlholeho.

A re e kholo ke hore ha ba sireletsehile temong ba tla sebetsa ba e-na le tšepo ea ho fuoa matšelisio. O re lihoai tsa Mafeteng, Quthing le Mohale's Hoek li bonahala li otloa ke lebatama la komello, 'me ba ba khotlaletsa ho potlakela sehlahisoa sena hore tlhahiso ea bona e tle e sireletsehe.

O tsoetsepele hore more-ro o ikelelitse ho kenya litaba tsa tšireletso ea lihoai tšebetsong e le mokhoa o tla sebelisoa ho tšelisa lihoai le hore li une molemo nakong ea tahlehelo e ka tlišoang ke likoluoa tse sa lebelloang le likotsi tse ling tse amanang likoluoa.

Setsebi litabeng tsena, Fusi Morokole o hlalositse hore 'Muso le batho ba etsang maano ba lokela ho theha moralo o nolofatsang ho theha tšireletso ena, e le ho nolofaletsisa lihoai ho

e utloisisa le ho e sireletsa ka molao har'a tse ling. A re ho theha maano ho thusa lihoai kamor'a kotulo hore li lefelle litokomane tsa tsona, sena se ka thusa hore li khahlametsoe e le hore bohle ba une molemo ka mokhoa o bonolo.

A re joaloka linaheng tse

ling mofuta ona oa tšireletso ke tlhoko ea mantlha empa e lokelang ho etsoa ho ipapisitsoe le mofuta ea likoluoa e hlahelang naha, lihoai le sechaba hore qetellong bohle ba tšelisoe ka tsela e khotsofatsang e thusang sehoai ho phahama ha bonolo se khutlela temong.

E mong oa lihoai tsa temo ea litapole ea bileng 'mokeng ona, o lebohile SADP2 ka sehlahisoa sena kaha se t'l'o ba thusa ho arabela litlhoko tsa bona, ho se putlamele ruri ha ba ile ba

oeloa ke likoluoa masimong le ho ameha ha tlhahiso. A khotlaletsa 'muso ho potlakela litaba tsena kaha bohlo ba sechaba bo khotlaletsoa ho kena temong ka matla.



Majoro o itela ho 'muso ho ntlafatsa ka lithabeng

Nthabeleng Seitlheko

Tona-Khlo ea Mhlang Dr. Moeketsi Majoro o re 'Muso oa Lesotho o lokela ho phatlalatsa leano la ho sireletsa mobu oa temo, litša li isoe methipolohong ea lithaba le maralleng hobane pholoho ea Basotho e mobung le hore ba iphepe. O boletse tsena, puisanong le Koranta ka la 23 Phupjane monongoaha.

O re Basotho ba setse ka letlotlo la mobu fela e le la bona, 'me ba lokela ho le baballa le ho le sireletsa hobane ha ho bophelo ntle ho lijo. O re sena se ka etsahala ka hore 'muso o etse phatlalatso ea hore marena le makanselara a se ke a aba mobu oa temo e le oa litša tsa bolulo. A re taba ena e ka bonahala ka hore

'muso o ise lintlafatso libakeng tse hole le litsela hore sechaba se thabele ho phe-la libakeng tse joalo.

O tsoetsepele hore o ile a batla mobu a sebet-sa le beng ba masimo a Mathokoane Tsikoane, 'me sebaka seo a sebetsang ho sona ke liekere tse 160, 'me ho ntse ho e-na le mobu o setseng oa malapa a se nang mokhoa oa ho lema kaha mobu oa sebaka seo e le liekere tse 1000 ha sebakeng seo ba lema ba le bararo feela. A re bao ba ile ba mo hlaloesetsa hore ba qetetse ho lema masimo ka selemo sa 2013. A re ka 2022 o ile a qalella ho lema, 'me litaba tse mona-te ke hore leloala la habo le lula le phathahane hobane lijo li teng kahar'a sechaba, ha joale o kotutse poone le linooa.

A re ka thoko le ho etsa

mosebetsi ona, o kenya moralo oa kanetso ea lijo ka ho sebetsa, kaha ba ea kotulong ea bobeli ea poone le linooa hape o boetse o lemme koro. O phela morerong ona ka tšebelisa-no 'moho le sechaba. O re kahar'a naha sechaba se seboko ka molao oa mobu, ho bohlokoa hore o boloke-he kaha e le ntho e nyenyane e setseng matsohong a Basotho.

A supa hore qholotso e kholo ke mobu oa masimo o rekisoang hobane batho ba hopola hore ba ka iphepa ka ona, ka lebaka leo ho bohlokoa ho ela hloko mobu oa lijo le oa lintlafatso. A re hona joale o ntse a hlalisa meroho le tamati tse bonahalang li na le qholotso ka lebaka la maemo a phetoho ea leholimo.

Ka tlatsetso ea 'Muso oa Lesotho o na le thepa ea

temo e mo tsoelang molemo eena le sechaba sa Basotho, 'me motsotsong oa ha joale o sebetsa le malapa a kaholimo ho 100, o kotula mobu oa liekere tse 80 ka phepo ea malapa a 65 kaha ba bang ba una molemo ka koro, linooa le poone.

A leboha 'Muso oa Lesotho ka tšehetso ea 80% ea theko ea manyolo le ea 30% ea lekote le lithuso tse ling. A re mobu oa Lesotho ka litlaleho tsa 'muso o bolila haholo, sena o se hlokometse hape kamor'a ho isa mobu oa masimo ao a lemanq litekong. Ho fumanehile hore bolila bo mobung oa habo bo boemong ba bo-4 'me hona hore bolila bo mobung bo sitisa lijalo ho monya matsoai a mobu.

E mong oa ba unang molemo ka masimo a hae, kamor'a ho kena seleaneng sa temo le Dr. Moeketsi Majoro, 'Mampho Ramotheo o itse o thabile haholo hobane esale ba qalella temo ena tlala e roahakehile lapeng la hae le ho ba mo potileng. A re o ne a sitoa ho lema masimo hobane a se na matla empa hona joale masimo a hae a mararo a se a lengoa. O re ba sebetsa 'moho ka ho kenya letsoho nakong ea ho hlaola le kotulo.


O re Dr. Majoro o fihlile nakong eo a neng a le mothating oa ho rekisa masimo ao litša hobane tlala e ne e ba aparetse ka tlung empa kaha a tseba hore mobu ke letlotlo o ile a baballa masimo ao ho fihlela boemong bona boo a unang molemo.





MoB KIDDS EDUTAINMENT

Puzzle MoB 93-4591



- Across
- 4 Ketso ea ho bolaea lintla. (5)

6 Motho ea hlokahelletsoeng ke batsoali. (8-5)

7 Mofuta oa katse o mosesanyane haholo, ebile ka seemo e ka tlase ho qoabi kapa setsetse. E feta likatse tse ling ka ho qhoma haholo. (5)

9 Ketso ea ho bolaea litšitšili. (8)

10 Lebitso le nepahetseng la Sesotho mofuteng oa katse e bitsoang 'Rooikat' (Seburu). Ke katse e kotsi leha e le nyenyane ho Nkoe, empa e kholoanyane ho katse e phelang hae. (6)

11 "Phoofolo e oele mala marakeng" (Ketso).(6)

13 Katse e ileng ea phela hae, empa ha morao ea fetoha nyamatsana. (8)

15 Motho e mobe ka ho fetisisa. (12)

16 Ngoan'a o fela. (7)
- 8 Moetapele ea Mabotho a ntoa. (8)

12 "Ho lula mosima oa noha holimo" Polelo ena e bolela ho ba..... (7)

14 Pinyane (7)

- Down
- 1 ".... e phuntse marulelo" qetela polelo ena. 'Me e bolela hore sepi se utullotsoe. (7)

2 Mabotho a ntoa (4)

3 Mofuta oa katse ea naha e mohatla o sepolo ebile o le sephuphutha. (8)

5 Khomo e fuoang moholisi oa ngoan'a ngoanana h'a se a nyetsoe. "Khomo ea....." (6)
- THAROLLO

MoB 93-4590
-



TSA KEREKE

Ba phethela leeto ka Mokete-Molimo

Tšeliso Thakholi

Likete-kete tsa bakriste ba Kereke e Katholike ka Bophirima ho Naha ea United States of America ba ile ba kena leetong la thapelo la Sakramente e Halalelang ea Eukariste, e le ho tšoea Mokete o Moholo oa ketekelo ea Son-taha sa Mokete-Molimo o bileng mabaleng a Tikolohong e Kholo ea Maria Mofumahali oa Manyeloi, Los Angeles ka la 22 Phupjane 2025.

Leeto lena la matsat-

ka sepheo sa tsosoloso ea Eukariste e Halalelang nako ea lilemo tse tharo. Sepheo se seng e ne e boetse e le ho matlafatsa tumelo le boinehelo bo tebileng Sakramenteng e Halalelang ea Eukariste.

Leeto lena la thapelo le tlahoa le ile la potoloha le libaka tse ngata tse kenyeletsang har'a tse ling liparish tsa 'Mamolimo e Pacific Palisades, Sacred Heart e Altadera tseo ka bobeli li leng libakeng tseo ho ileng ha qhoma mollo oa mohlolo o neng o hlaha Los Angeles ka la 7 Pherekhong monongoaha moo Palisades le

opo o ile a keteka 'moho le bakriste ka Sehlabelo se Halalelang sa 'Missa, moo har'a tse ling ba ileng ba rapella ka ho khetholoha sechaba se ileng sa ameha kotsing ea mollo liparishing tsa Palisades le Eaton.

Mobishopo oa Crookston Mohlomphehi Andrew Cozen ea neng a etelletse pele Lenane-thuto la tsosoloso ea Eukariste e Halalelang la USCCB, h'a khothatsa le ho leboha bakriste ba fetang 3,000 ba bileng leetong lena la thapelo, o ile a hlohonolofatsa Tikoloho ea Los Angeles ka mekhoha e mene. Sena se ile sa tlisa tšepo e kholo ho bakriste le bahlophisi ba leeto hore Los Angeles e tlahoang e se e fetohile sebaka sa meferefere e tla ke e ee moriting.



si a 35 le qalile ka la 18 Motšeanong monongoaha, 'me le tlahoa le ne le hlophisitsoe ke Lekhotla la Naha la Eukariste(NEC), tlasa Lenane-thuto la Seboka sa Babishopo ba Kereke e Katholike sa United States of America(USCCB),

Eaton li ileng tsa senngoa hampe ke mollo ha Parish ea Sacred Heart e ile ea pholoha ka mohlolo.

Leqosa la Mopapa Leo XIV Naheng ea United States e leng Khosana Christophe Pierre a tlatsetsoe ke bathusi, baprista le babish-

Litlaleho li supa hore leha leeto le fihlile pheletsong, mosebetsi oa NEC oa tsosoloso ea Sakramente e Halalelang ea Eukariste tlasa tlhophiso ea USCCB o tla 'ne o tsoelepele kaha ke moralo oa lilemo tse tharo.

-CNA-



2024-2025 SELEMO C PETEROSI LE PAULOSI



Liketso 12:1-11
Pesalema 33
2 Timothi 4:6-8.16-18
Matheus 16:13-20



Khothatso

Motheo oa Bokriste

Mokete ona o Moholo ke oa bohlokoa haholo Kerekeng e Katholike hobane o tlotla boshoele-tumelo ba baapostola ba babeli. Ho ea ka meetlo ho etsoa tebelo letsatsi pele ho mokete. Kereke letsatsing lena e keteka tumelo, bonngoe le lefa leo baapostola bana ba le sietseng eona.

Peterosi le Paulosi ba Halalelang ke seikokotlelo sa Bakriste hohle lefatšeng, ba ile ba inehela ho Kriste 'me ba thusa ho qala le ho anetsa thuto ea Sekriste. Litaba tsena li bontša ka moo ba neng ba fapakaneng kateng empa ba kopantsoe ke tumelo. Bophelo ba Peterosi ho tloha ho motšoele oa lithlapi Bethsaida ho ba motšoele oa batho nakong eo Kriste a 'mitsang (Luka 5:10), e bile bo matla hobane o ile a bontša tumelo e kholo le boetapele har'a baapostola. Hangata o ne a ba buella 'me sena e bile motheo oa kopano ea Sekriste khale.

Paulosi eena o qalile e le mohlotsi oa Kereke eo pele e neng e le Saule oa Mofarisi. O ne a hlorsa kereke empa tseleng ea Damaseka o ile a bua le Morena 'me a sokoloha ho ba moruti oa Evangeli. (Liketso 9:1-31) O ile a haola le naha eohle, a qala likereke le ho ruta Balichaba 'moho le Bajuda ka mokhoa o tšoanang. Mangolo a hae a bopile karolo e kholo ea Testamente e Ncha, 'me a thusa ho tataisa ntlheng ea tumelo le meetlo ea Sekriste.

Mabaka a etsang hore ba ketekoe ba le babeli ka nako e tšoanang ke hobane bobeli ba bona ba ile ba bolaela Rome pusong ea Nero ka nako e tšoanang, 'me sehlabelo sa bona se hlonepshoa ka letsatsi la mokete oa bona. Mokete ona o bontša mesebetsi ea bona kahar'a Kereke, Peterosi e ne e le moetapela oa Baapostola ha Paulosi eena a tsejoa ka mesebetsi le lingoloa tsa hae. Likamano tsa Paulosi le Peterosi joalokaha li hlaha ho Ba-Galata li bontša likamano tse neng li le teng lipakeng tsa balumeli mehleng eo. Paulosi o qeta matsatsi a 15 le Peterosi Jerusalem, 'me sena se ile sa mo thusa ho ithuta mosebetsi oa Peterosi. O ile a bona nako ena e le bohlokoa hape ho ithuta meetlo ea baapostola. O boetse o kopana le Jakabo ngoan'abo Peterosi eo e neng e le motho oa bohlokoa Kerekeng ea Jerusalem. Sena se ile sa pharalatsa thuto ea hae mabapi le boetapele kaha ba ile ba arolelana malebela 'moho.

Bonngoe bona ba bona bo bontša bohlokoa ba ho tšehetsana, tlhoko ea boikemelo mosebetsing oa Morena 'moho le kopano lipakeng tsa baetapele ba Kereke mehleng eo. Tlamahano ena ea bona e ile ea thusa ho bopa bonngoe ba Bakriste, le hoja ba ne ba e-tsoa libakeng tse fapakaneng le lipitso tsa bona li sa tšoane. Morena Jesu o ile a bolela lefu la Peterosi esale pele, hore o tla shoela tumelo ea hae ka ho otlolla matsoho a hae. (Joannes 21:18) Ketsahalo ena hangata e nkoa e le ho thakhisoa. Lefu lena le bontša ka moo Peterosi a ileng a itlama ho loanela Kriste ka teng ho fihlela lefung.

Mokete ona o re ithuta hore leha re sa tšoane joalo mohlomong ka libopeho kapa kholiso, re ka sebelisa makhabane ao ho etsa mesebetsi e molemo sechabeng. Sena se ka etsahala ha kaofela ha rona re ka tlohela ho iphahamisa le ho nahana hore re tseba haholo. Bophelong mona rea hlokana joaloka libopuoa tsa Moli-mo tse bopiloeng ka tšoano le eena.

Bahalaleli har'a Beke

30	Phupjane	Lucina
1	Phupu	Veep
2	Phupu	Abrom
3	Phupu	Thomas
4	Phupu	Ulric
5	Phupu	Edana

Mohope o leba Masianokeng



Tšeliso Thakholi

Sehlopha sa Bolo ea Maoto sa Basali sa Masianokeng Sports Academy (MSA), se iphetetse mohoalotso lihlopheng tsohle tseo se neng se qothisana lehlokoa le tsona, litlholisanong tsa Mohope oa Unity Festival Soccer Tournament le ho tlabola LUFA ka phafa e bohloko ea 1-0 papaling

ea ho qetela ea makhaola-khang e bileng Lebaleng la Lavita, Thota-Moli mafelong a beke moo se ileng sa inkela mohope sa leba habo sona Masianokeng.

Litlholisano tsena li qalile ka moea o phahameng haholo ka Moqebelo moo ho neng ho se sehlopha se batlang ho hloloa. Le ha ho le joalo MSA e ile ea tsoa le botleng ha e hlola Peace Makers ka 1-0. Ka mokhoa o tsoanang tang-tang e ile ea khangoa ke lerole lipakeng tsa LUFA le Rural Stars

Ladies moo LUFA joaloka ka mehla e ileng ea e halala ka ho e teteke 2-0, ea nt'o fetela ho makhaola-khang letsatsing le hlahlamang la Sontaha.

Letsatsing la Sontaha ho ile ha tlola litlhase papaling ea ho qetela e bileng lipakeng tsa MSA le LUFA, empa MSA ea ipaka hore ke bona bompoli ka ho hlola LUFA ka 1-0 eaba ho felile ke lehlohonolo. LUFA e lekile mekhoe eohle ea ho hlaba lintlha empa ea thula thaba ka phatla, ho fihlela phala ea ho qetela e bokolla e le

sesupo sa hore papali e felile.

Ho ea ka mokoetlisi oa MSA Monghali Tlokotsi Ndlovu lipapali tsena li bile bohlokoa haholo ho sehlopha sa habo kaha e le tsona tsa pele tsa boitokisetso ba lipapali tsa machaba tseo ba tli'o li tsoara ka khoeli ea Loetse monongoaha. A re ba tli'o ba le baeti ba tsoang Naheng ea Botswana bao a tliho bapala le bona, 'me lipapali tsena li boetse li mo thusitse ho bona hore na o lokela ho matlafatsa sehlopha sa hae hokae. A re leha

e ne e le lekhetlo la hae la pele a kenela litlholisano o ikutloa a thabile haholo kaha e bile lipapali tse monate tse khahlang mahlo tsa boemo bo holimo haholo.

Haele mokoetlisi oa LUFA, Monghali Selialia Selialia ka mokhoa o tsoanang o boletse hore lipapali tsena ho bona e ne e le boitokiso ba ho tla bapala lipapali tsa Liki ea First Division. A re bona li ba thusitse haholo ho bona moo sehlopha se leng matla le moo se fokolang teng. A re papali e bile e ntle haholo kaha ba bile le menyetla e mengata ho feta ea MSA ea ho hlaba lintlha empa ba ile ba hloloa ho e sebelisa. A supa hore seo a ithutileng sona ke hore libapali tsa hae li ne li batla li se na leseli le letle la phapano ea ho bala lipapali tsa setsoalle le tsa litlholisano.

A re o tli'o sebetsana le taba eo haholo kaha a hlokometse hore ke eona e entseng hore ba hloloe ho hapa litlholisano tsena kaha libapali ho ne ho bonahala li ntse li kentse ka likelellong tsa tsona, e ka li bapala lipapali tsa setsoalle. Le ha ho le joalo o lebohile bohle ba kentseng letsoho ho atlehisisa lipapali tsena, empa a hlokomelisa MSA hore isao e tla kopana le pela li falla.

Pulela o'a ipabola

Tšeliso Thakholi

Khalala ea Sehlopha sa Bolo ea Maoto ea Basali sa LUFA, Boitumelo 'Magic Touch' Pulela o fumane khau ea ho ba mohlaba-lintlha ea hloahloa, lipapaling tsa makhaola-khang tsa Mohope o mocha oa Unity Festival Soccer Tournament tse neng li bapalloa Lebaleng la Lavita haufi le Boema-Fofane ba Machaba ba Moshoesheo I ka Sontaha sa la 22 Phupjane 2025.

Ba bang ba ikhapetseng likhau ke Noliwe Ndaba oa sehlopha sa LUFA ka ho ba sebakali se hloahloa sa litlholisano. Haele Relebohile Tšolo oa sehlopha sa MSA, o ile a betsa khoba ka ho ba sethiba-thibane se ipabotseng ka makhabane a sona, ho tloha ha lipapali tsena li qala ho fihlela li ba li fihla pheletsong.

Lihlopha tsa bashanyana le tsona li ile tsa fuoa likhau moo Kamohelo Seutloali oa LUFA a ileng a hapa khau ea ho ba sethiba-thibane se

ipabotseng. Lekanyane Kalache oa FSA ea Mohale's Hoek a hahara likhau tse peli tsa ho ba mohlaba-lintlha le sebakali se hloahloa sa litlholisano.

Puisanong le Boitumelo Pulela kamor'a tšebetso ea hae e tsoileng matsoho litlholisanong tsena, o boletse hore leha sehlopha sa habo se hlotsoe ho hapa mohope joalokaha ba ne ba ikemiselitse, katleho ea hae e kholo ea ho hlaba lintlha tse ngata ha e tsoe ho eena a le mong feela, empa ke ka lerato le tšebeliso 'moho e mofuthu e le sehlopha ka kakaretso. O re sena ke sona se ntseng se mo tlišetse katleho letsatsi ka leng papaling ea bolo ea maoto.

Ka ho khetholoha o leboha libapali tsa habo ka ho sebetsa 'moho e le sehlopha kaha hoja e ne e se ka bona a ka be a sa hlabele sehlopha sa habo lintlha tse ngata, tse qetelletseng li ba thusitse hore ba fihle lipapaling tsa makhaola-khang. A supa hore ho sebetsa ka thata ha hae ha ho oa tlišetse eena feela katleho, empa le sehlopha sa habo hoba ka lebaleng h'a sebetse a

le mong ba sebetsa 'moho e le sehlopha molemong oa katleho ea sona. "Katleho

ea sehlopha ke katleho ea rona." O boletse joalo.

A re taba-tabelo ea hae selika-likoeng sa bolo ea maoto ke ho bona sehlopha sa habo se hola, se fihla lihlopheng tse kholo tsa Liki

ea Basali. Ho feta mona a re eena o lakatsa ho ipona a se a bapalla sehlopha se seholo sa naha e leng Mohalalito e le ho bapalla lihlopha tse kholo kantle ho naha.



Chess e tjametsoe ke koluo

Tšeliso Thakholi

Mathata a aparetseng Mokhatlo oa Lesotho oa Papali ea Chess(CFL) a leqeme la tšebetso ea lichelete ke bafani, a bo-nahala a ntse a ama kholo le tsoelopele ea papali ea Chess kahar’a naha kaha mokhatlo o hloloa ho ntšetsa-pele e meng ea meralo ea ona ea kholiso ea papali ea Chess. Sena se bonahetse ha CFL e chechisa litlholisano tse kholo tsa selemo le selemo tsa National Chess Championship ‘moho le seboka se sehologo sa selemo se kenyelelit-seng le likhetho tsa Komiti e Kholo ea Chess, tseo bobeli li neng li lokela ho ba mafelong ana a tsoa feta a beke. Ha joale litlaleho li supa hore likhetho li se li tla ba ka la 19 Loetse monongoaha empa litlholisano tsona ha ho e-s’o

hlake hore na tsona li se li tla tšoaroa neng. Ngongoreho e kholo ea barati ba papali ea Chess

la hore li be li nchafalitse botho ba tsona ba chelete e kaalo ka M500.00 ho tloha ka la 13 ho isa la 19

sa hore monyetla ea likhethong o moholo haholo ho feta oa litlholisano. Raliphatlatlatso oa CFL

pele likhetho le litlholisano li qala ba be ba fumane mofani, empa lintho ha li’a tsamaea ka moo ba neng ba hlophile ka teng.

A re haele litlholisano ba ne ba ntse ba e-na le morero oa ho li ntšetsa pele, e tle e re ha li qeta ho bapala ba tle ba fane ka limpho hamorao. “Empa tšabo ea rona e bile hore re tla tloha re fumana lithuso kamor’a nako e telele libapali li ntse li e-s’o fumane likhau tsa tsona, ‘me sena se ka etsa hore libapali li hloke tšepo ho rona le ho li nyahamisa. Ke ha re tla etsa qeto ea hore re emise ho fihlela re fumane lithuso.” O boletse joalo a bile a phethela ka hore ba tsoile letšolo ho batla batšehetsi ba ka thusang mokhatlo ka lichelete, e le hore ba tle ba tsebe ho fihlela meralo ea bona ea ho holisa papali ea Chess. A tiisa hore kantle ho botšehetsi ha ho tsela eo lipapali li ka holang ka teng. A ipiletsa ho bohle ho etsa letsoho la monna.



ke hore li se li tla tšoaroa ha feela botšehetsi ba lichelete ho tsoa ho bafani bo ka ba teng. Athe likhetho tsona tebello ke hore lihlopha tsohle tse ingolisitseng le CFL li loke-

Phupu, ‘me lihlopha tse tla lefa seabo sa tsona kamor’a matsatsi ana a seng a boletsoe li tla ahloloa chelete e kaalo ka M100.00. Ka hona li se li tla lefa M600.00. Sena ke sesupo

Monghali Selatela Khiba o hlalositse mabaka a entseng hore likhetho le litlholisano li thise e le tlokotsi ea leqeme la lithuso tsa lichelete. A re tebelo ea bona e ne e le hore

Naha e emetsoe

Tšeliso Thakholi

Naha ea Lesotho e emetsoe ka matla a maholo ke moifo oa libapali tse 94 tse kenyeletsang bakoetlisi le lingaka, litlholisanong tsa bacha tsa bo-11 tsa Mhope oa AUSC Region 5, tse tlii’o tšoareloa Motse-Moholo Windhoek, Namibia ka la 4 ho isa la 13 Phupu 2025 moo e kenetseng litlholisano tsena ka mefuta e supileng ea lipapali. Mefuta ea lipapali eo Naha ea Lesotho e kenetseng lipapali tsena ka eona ke Special Olympics, Bolo ea Matsoho, ho Sesa, Tennis, Table Tennis, Volleyball le Litebele tseo tsona li seng li bile li phatlalalitse mabitso a libapali tse tlang ho emela Naha litlholisanong tsena. Ha lipapaling tse ling lihlopha li ntse li phethela ho bopa mekhethoa ea tsona. Haele papali ea litebele ka ho bahlankana e emeloa ke Keketso Moepe ka 48kg, Relebohile Moso ka 51kg, Mvukelelo Snyman ka 54kg, Retšelisitsoe Phalatsi

ka 66kg le Phamotse Mosehle 63.3kg. Athe ka ho baroetsana ke Realeboha Se-goete ka 57kg, Reabetsoe Raboi ka 66kg le Latoea Thakisi ka 70kg. Linaha tse tlii’o qothisana lehlokoa ka lipapali mefuteng e 13 ke Angola, Botswana, Eswatini, Lesotho, Malawi, Mozambique, Afrika Boroa, Zambia le Zimbabwe. Naha ea Lesotho e se ile ea sebetsa hantle haholo lipapaling tsena ka ho hapa limentle tse supileng lipapaling tse neng li bapalloa Lilongwe Naheng ea Malawi ka selemo sa 2022, ‘me hara ba bang ba ileng ba tlela Naha ea Lesotho tlhola e bile ba papali ea litebele e leng Mathakoe Maisa oa boima 71kg. Barati le batšehetsi ba bangata ba lipapali ba utloahala ba e-na le tšepo e kholo ea hore har’a lipapali tse teng, papali ea Litebele ke ‘ngoe e tlang ho tlela Lesotho likhau tse ngata ka ho fetisisa. Tsena li tiisitsoe ke Raliphatlatlatso oa papali ea Litebele Letšasa Taole ea bontšitseng phatlalatsa hore Mosotho ka mong a utloisisa hore ha ba ee feela moo empa ba il’o ba tlela le likhau le ho phahamisa



folakha ea Lesotho machabeng. O boetse o matlafatsa litaba tsena a ipapisitse le tsela eo bahlankana le baroetsana ba itokisetsang lipapali tsena ka matla a maholo ka teng. Moea ke o phahameng haholo oa

mokhoethoa oa litebele oa ho bona hore ba khutlela hae ba tlele le likhau. Ha ho le joalo ba kopa tšebetso e kholo ho sechaba sa Basotho. Lipapali tsena li ne li thehoe ke Lekhotla la Matona a Tikoloho e ka Boroa ea

Afrika ka la 23 Pulungoana 1997, ‘mokeng o bileng Cabinola, Angola ka sepheo sa ho kenya bacha moea oa lerato la lipapali, ho otla talenta, ho holisa bacha linaheng tse fapakaneng tsa Afrika, ho sebetsa ‘moho le ho tsebana.